



VICTORIA
INTERNATIONAL UNIVERSITY

*PRAVILNIK
O POSTUPKU I USLOVIMA ZA DODJELU POČASNOG
ZVANJA „PROFESOR EMERITUS“*

Mostar, 2023. godine

Na osnovu člana 54. Zakona o visokom obrazovanju Hercegovačko-neretvanskog kantona („Službene novine HNK“, broj: 4/12) i člana 36. Statuta, Senat Victoria International University na sjednici održanoj dana 27.09.2023. godine, d o n i o j e:

P R A V I L N I K

O POSTUPKU I USLOVIMA ZA DODJELU POČASNOG ZVANJA „PROFESOR EMERITUS“

Član 1.

Ovim Pravilnikom se bliže uređuju postupak i uslovi za dodjelu počasnog zvanja *profesor emeritus*, kao i prava kandidata izabranih u ovo počasno zvanje na Victoria International University (u daljnjem tekstu: Univerzitet).

Član 2.

- 1) Počasno zvanje profesor emeritus može se dodijeliti redovnom profesoru Univerziteta u penziji.
- 2) Kandidat za dodjelu počasnog zvanja profesor emeritus mora imati posebne zasluge za razvoj i napredak Univerziteta, te međunarodno priznate nastavne, naučne rezultate.
- 3) Posebni uslovi za dodjelu zvanja profesor emeritus su:
 - a. uspješno provedeno vrijeme u nastavi, ne kraće od 10 godina, na visokoškolskoj ustanovi na kojoj je kandidat imao status zaposlenika u radnom odnosu;
 - b. period od najmanje 6 (šest) godina provedenih u zvanju redovnog profesora, tokom kojeg se posebno istakao svojim naučnim dostignućima, u oblasti za koju je izabran;
 - c. naučni doprinos kojim je kandidat javno afirmisao svoju naučnu oblast;
 - d. najmanje 4 (četiri) objavljene knjige od značaja za naučnu oblast kandidata;
 - e. najmanje 20 (dvadeset) naučnih radova od značaja za naučnu oblast kandidata objavljenih u relevantnim publikacijama, od toga najmanje 2 (dva) naučna rada objavljena u indeksiranim časopisima;
 - f. najmanje 3 (tri) projekta od značaja za naučnu oblast kandidata;
 - g. uspješno realizovana mentorstva, i to najmanje po 3 (tri) mentorstva kandidatima za stepen drugog i trećeg ciklusa u oblasti u kojoj se kandidatu dodjeljuje počasno zvanje profesora emeritusa.

Član 3.

- 1) Prava kandidata izabranih u zvanje profesor emeritus su:
 - a. da učestvuje u izvođenju nastave na magistarskom i doktorskom studiju;
 - b. da bude član komisije u postupku za izbor u akademsko/naučno zvanje;
 - c. da bude član komisije u postupku prijave, odobrenja, izrade i odbrane magistarskog i doktorskog rada;
 - d. da bude mentor kandidatu pri izradi magistarskog i doktorskog rada;
 - e. da ima savjetodavnu ulogu na Univerzitetu, u skladu s potrebama Univerziteta.

- 2) Redovni profesor u penziji, kojem je Univerzitet dodijelio počasno zvanje profesor emeritus, ima pravo koristiti pomenuto zvanje, kao titulu, ispred imena.

Član 4.

- 1) Univerzitet dodjeljuje godišnje najviše dva počasna zvanja profesor emeritus.
- 2) Izvan kvote predviđene stavom (1) ovog člana počasno zvanje profesor emeritus može biti dodijeljeno i redovnom profesoru u penziji, koji je obavljao funkciju rektora na Univerzitetu, uz ispunjenje uslova za dodjelu zvanja iz člana 2. ovog Pravilnika.

Član 5.

Najmanje 2 (dva) nastavno-naučna vijeća fakulteta, uz prethodnu pismenu saglasnost rektora, pokreću postupak dodjele zvanja profesor emeritus dostavljanjem obrazloženog prijedloga Senatu Univerziteta.

Član 6.

Prijedlog iz člana 5. ovog Pravilnika, podnosi se Senatu Univerziteta, najkasnije do početka ljetnog semestra akademske godine, a o kojem Senat odlučuje najkasnije do 30. septembra tekuće akademske godine.

Član 7.

Profesor emeritus ima pravo da učestvuje i u naučno-istraživačkom radu na Univerzitetu.

Član 8.

Prijedlog naučno-nastavnih vijeća, osim prethodne pismene saglasnosti rektora i prijedloga odluka sadrži:

- a. saglasnost predloženog kandidata,
- b. biografiju s bibliografijom kandidata,
- c. obrazloženje posebnih zasluga predloženog kandidata.

Član 9.

- 1) Po prijemu prijedloga fakulteta, Senat imenuje komisiju, od najmanje tri člana iz reda redovnih profesora iz iste naučne oblasti, od kojih većina članova mora biti izvan fakulteta koji je podnio prijedlog.
- 2) Komisija iz stava (1) ovog člana vrši ocjenu prispjelih prijedloga, njihove potpunosti i usaglašenosti sa zahtjevima iz ovog Pravilnika, a koja može od predlagača zatražiti dodatnu dokumentaciju o kandidatu.
- 3) Komisija podnosi pisani izvještaj, s ocjenom i svojim mišljenjem, koji potpisuju svi članovi komisije.

Član 10.

Na osnovu afirmativnog izvještaja komisije, sa prijedlogom o izboru, Senat donosi Odluku o dodjeli počasnog zvanja profesor emeritus, većinom glasova od ukupnog broja članova Senata Univerziteta.

Član 11.

Promocija kandidata izabranih u zvanje profesor emeritus vrši se uručivanjem Odluke iz člana 8. ovog Pravilnika na svečanoj sjednici organiziranoj u povodu obilježavanja dana Univerziteta.

Član 12.

Ovaj Pravilnik stupa na snagu osmog dana od dana donošenja.



Broj: S-250/23

Mostar, 27.09.2023. godine

Predsjedavajući Senata Univerziteta


prof. dr. Asim Peco